

म्हारे कानुडे रा नाम,
जितरा बडला माथे पान,
जितरा बडला माथे पान,
कठे तो मै भेजु पीला चावलीया,
ओ कठे तो मै खोजु थाने सांवरिया,
म्हारा कानुडे रा नाम ओ हो ॥

अरे कोई केवे देवकी रो,
कोई केवे यशोदा रो,
कोई केवे देवकी रो,
कोई केवे यशोदा रो,
कोई केवे नंदजी रो लाल,
चावल बांध लिफाफा माय,
ऊपर कुण सो मंडावु नाम,
ऊपर कुण सो मंडावु नाम,
कठे तो मै भेजु पीला चावलीया,
ओ कठे तो मै खोजु थाने सांवरिया,
म्हारा कानुडे रा नाम ओ हो ॥

अरे कोई केवे गोकुल वालो,
कोई केवे मथुरा वालो,
कोई केवे गोकुल वालो,
कोई केवे मथुरा वालो,
कोई केवे द्वारिका रो नाथ,
चावल बांध लिफाफा माय,

ऊपर कुण सो मंडावु नाम,
ऊपर कुण सो मंडावु नाम,
कटे तो मै भेजु पीला चावलीया,
ओ कटे तो मै खोजु थाने सांवरिया,
म्हारा कानुडे रा नाम ओ हो ॥

अरे कोई केवे बंशी वालो,
कोई केवे मुरली वालो,
कोई केवे बंशी वालो,
कोई केवे मुरली वालो,
कोई केवे द्वारिका रो नाथ,
चावल बांध लिफाफा माय,
ऊपर कुण सो मंडावु नाम,
ऊपर कुण सो मंडावु नाम,
कटे तो मै भेजु पीला चावलीया,
ओ कटे तो मै खोजु थाने सांवरिया,
म्हारा कानुडे रा नाम ओ हो ॥

अरे कोई केवे कान्हो कान्हो,
कोई केवे श्यामो श्यामो,
कोई केवे कान्हो कान्हो,
कोई केवे श्यामो श्यामो,
कोई केवे मदन मुरार,
चावल बांध लिफाफा माय,
ऊपर कुण सो मंडावु नाम,
ऊपर कुण सो मंडावु नाम,
कटे तो मै भेजु पीला चावलीया,
ओ कटे तो मै खोजु थाने सांवरिया,

म्हारा कानुडे रा नाम ओ हो ॥

अरे कोई केवे मीराबाई रो,
कोई केवे कर्मा बाई रो,
मीराबाई रो कर्मा बाई रो,
नरसीलो करे है पुकार,
चावल बांध लिफाफा माय,
ऊपर कुण सो मंडावु नाम,
ऊपर कुण सो मंडावु नाम,
कठे तो मै भेजु पीला चावलीया,
ओ कठे तो मै खोजु थाने सांवरिया,
म्हारा कानुडे रा नाम ओ हो ॥

म्हारे कानुडे रा नाम,
जितरा बडला माथे पान,
जितरा बडला माथे पान,
कठे तो मै भेजु पीला चावलीया,
ओ कठे तो मै खोजु थाने सांवरिया,
म्हारा कानुडे रा नाम ओ हो ॥

गायक प्रकाश माली जी ।
प्रेषक मनीष सीरवी ।
(रायपुर जिला पाली राजस्थान)
9640557818

Source:

<https://www.bharattemples.com/mhare-kanude-ra-nam-jitra-badle-mathe-paan/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>